

109 年全國語文競賽原住民族語朗讀【賽考利克泰雅語】 國中學生組 編號 3 號

m'uyut bnu' wagi na yaya maku

“ aya! aya! cyux su inu? ima cyux smbeshu? ” ryax nasa ga, ana nyux si kgiq giq mqwalax ru memaw behuy qu kayal ga, ini balay thyazi smru' qu qsliq maku. si saku tpa' kintari sa rima m'slaq ka te gleng buqul ni yaya mu ru, si saku ml'ax m'ngwi ngwi mngilis, ini balay baqi smpung kinm'uy nqu qsahuy maku. si tehuq squ sman lga, memaw mkruy kwara qu hi mu lru, si mu hluzi qu rima' mqarus ka hi mu i musa mhgaw squ ngasal.

tgazyaw saku sa 'nbyan maku lga, nyux si nbah yan ega' m'bras bras mhtuw qu rqyas na yaya mu ru inaras nya ka qsahuy qnxan, piyang balay nyux si trngil squ tunux maku ga, yan qutux qutux sasan ini nangi klpaw nga, rima m'klang klang qu tnobuy; mtuliq sami laqi lga, rima nya suqun sm'an qu bzyoq ru masuq qmsya ramat ; nyux nya sraxi tanux qu minhqan na lukus, ru nyux sa nniqan qu aki myan k'lama, yaqu yaya mu hiya lga, rima' ini baqi qu wal nya 'san la.

qutux qutux zik na p'muya ru klhan na pagay ga, ana m'keng keng mu' qu wagi ga, yan balay kikay qu qba' na yaya , mqumah tmaroq squ rgyax na lituk slaq, ini nangi kusa is ru agay qu hiya qani; ana nanu gzihung na zyaw na ngasal ga, ini nangi' mcik ana cikuy qu roziq nya, mutu nya si plgi sa

kinyuhum na inlungan nya maras squ ngasal qani. nanu kruma' mutu mu qriqun mita yaya mu gbyan lga, mutu mtbaku' lru syahaw squ blihun tanux, msquli' mita squ babaw kayal. mnglung saku nanak mha, kya cingay balay qu qmtux na qsahuy nya ru, kya cyux hazi thbku' pqzyu yaba yaya nya te kayal mha saku mnglung.

zik osa yaya mu maki squ Byoing ga, qutux qutux san maku mita hiya qani ga, memaw yan nyux btaqan na qzi qu qsahuy maku.ktan mu nyux si 'buzi na gomu' kwara qu nqwaq 、 qolu' ru nguahu na yaya mu lga, ungat balay rngu' maku si s'rux squ beh nya mangay, nanu mutu saku si pgyay tanux msbuq mngilis.

llungun kwara pinhkngyan na k'aya mu ga, si saku squru nanak mha, talagay! ima thuzay pktehuk qu pincyogan nya qani la! spngun kin gnalu' maku squ yaya mu ga, iyat nangi' ptazil ana cikuy kin'uy niya, mosa nanak kahul mu squ pyang cikuy na cin_glwani mu, psyuk squ ginalu' nya qani. mhway qu Yaba Utux kayal ga, swalay nya kwara kinqehan nya ru teta helaw mta' squ 'tuxan.

媽媽過逝的時候

媽！媽！您在哪？誰在陪您？！那天風雨交加雨勢磅礴，我無法控制自己崩潰的心靈。整個人癱跪在媽媽墳前，不斷嚎啕大哭，心力交瘁，難以用筆墨形容。天色將晚，身子已近虛脫，昏沉地回到家裡休息。

媽媽的在世的生活記憶，有如電影般從腦海浮現，黎明前，廚房發出聲音，媽媽餵好豬隻、澆好菜園、洗完衣服、晾在竹竿上、早餐已擺在餐上。

插秧前或將要割稻時，媽媽的手像機器般，不停翻除田埂的野草，未曾聽見媽媽叫苦或埋怨。

母親在晚餐後抽著菸斗，倚坐在門外，仰望天空許久。我猜想，媽媽心中定有說不出的苦悶與心酸，或許在向天上的父母撒嬌與訴苦。

母親在加護病房時，我的心像是萬刺椎心般的痛－母親嘴巴、喉嚨和鼻子插滿管子，我沒勇氣在旁呆看，只好在外頭哭泣。

憶起母親的懿德與典範，不自覺肅然起敬與慚愧。母親昊天誰能相比！自己無法與母親的辛勞相比，或許唯有透過微不足道的禱求，來回報母親恩重如山的愛。祈求母親早日升天回到祖靈的懷抱。